


БЕКІТЕМІН

М.Х. Дулати атындағы Тараз
университетінің Әлеуметтік жұмыс
басқармасының басшысы


А.Б. Ұлтанбаев
« 26 » 12 2025 ж.

М.Х. ДУЛАТИ АТЫНДАҒЫ ТАРАЗ УНИВЕРСИТЕТІ

**Студенттердің шығармашылығын дамыту орталығының
2025-2026 оқу жылының бірінші жарты жылдығында
атқарылған жұмыстар
ЕСЕБІ**

М.Х ДУЛАТИ АТЫНДАҒЫ ТАРАЗ УНИВЕРСИТЕТІ
Студенттердің шығармашылығын дамыту орталығының
2025-2026 оқу жылы бірінші жарты жылдығында
атқарылған жұмыстар
ЕСЕБІ

Студенттердің шығармашылығын дамыту орталығы М.Х.Дулати атындағы Тараз университетінің Даму стратегиясы жоспарын басшылыққа алып, жастардың шығармашылық қабілеттерін, эстетикалық талғамдарын дамыту, қазақстандық патриотизмге тәрбиелеу, әлеуметтік белсенділігін арттыру, бос уақыттарын тиімді ұйымдастыру мақсаттарына қол жеткізу үшін келесі міндеттерді алға қояды:

- шығармашылық студиялар мен ұжымдардың қызметін ұйымдастыру;
 - дарынды, қабілетті жастарды анықтап, шығармашылық студияларға тарту;
 - оқытушылар мен студенттерге университеттің мәдени-көпшілік іс-шараларын жоғары деңгейде ұйымдастырып, облыс, қала көлеміндегі іс-шараларға креативтік, жаңаша тәсілдемелер қолданып, белсене қатысып, университеттің ішкі және сыртқы имиджін нығайту;
 - жастар арасында ұлттық өнерді насихаттайтын көркемөнерпаздық ұжымдарды қалыптастыру;
 - шығармашыл студенттерді университеттің қоғамдық өміріне, мәдени-көпшілік іс-шараларына белсене қатысуын қамтамасыз етіп, өздерінің мүмкіндіктеріне деген сенімін арттыру;
 - университет түлектері - болашақ мамандар дүниетанымы кең, жан-жақты дамыған, шығармашыл тұлға болып қалыптасуына жағдай жасау;
 - орындаушылардың мәдени және кәсіби деңгейін шыңдау;
 - облыстық, қалалық байқауларға қатысуына мүмкіндік жасау;
 - студенттердің эстетикалық талғамын, рухани-адамгершілік қасиеттерін дамыту, патриоттық сезімдерін қалыптастыруға ықпал ететін мәдени, шығармашылық іс-шараларды ұйымдастыру.
- қызмет атқарады.

Студенттердің шығармашылығын дамыту орталығының қызметкерлері оқу орнының барлық мәдени-бұқаралық іс-шараларының жоғары деңгейде ұйымдастырылуына өздерінің кәсіби шеберлігі, техникалық біліктілігі және жауапкершілігі арқылы зор үлес қосып келеді.

Аталған мамандардың ерен еңбегімен өткізілетін әр концерт, мерекелік бағдарлама, ресми жиын немесе шығармашылық кеш мінсіз техникалық сүйемелдеумен қамтамасыз етіледі. Себебі кез келген іс-шараның сапалы өтуі — жарық, дыбыс және техникалық аппараттарды толық әрі дәл баптайтын осы қызметкерлердің кәсіби міндеті.

Музыканттар дыбыс күшейткіш құралдарды реттеп, жарық жүйелерін орнатып, микрофон тұтқаларын дайындап, барлық музыкалық және техникалық аппараттарды толықтай іске қосу арқылы мәдени бағдарламалардың мінсіз орындалуына жағдай жасайды. 2025-2026 оқу жылының жұмыс жоспарына сәйкес жастардың арасынан дарындыларын анықтау, шығармашылыққа және белсенділікке тарту мақсатында Студенттердің шығармашылығын дамыту орталығының жүргізген үгіт-насихат жұмыстарының нәтижесінде вокал, сән студиясы «**DU models**», жүргізушілер мектебі, хореография студиясының «**Бинар**» және «**Energy Girls**» қазіргі заманауи би топтары құрылып, кестелерге сәйкес сабақтары жүргізіліп, іс-шараларда өнер көрсетуде. Қазіргі таңда Студенттердің шығармашылығын дамыту орталығының студияларына барлық факультеттерден қатысатын студенттер саны -515.

Орталықтың студияларында оқу жылы басында хореограф – білікті маман А.Шахшанбаева студенттерге би қимылдарын үйретіп, ұтымды әдіс-тәсілдерін қолданып, аз уақыт ішінде хореографиялық қойылымдар – әр түрлі халықтардың бағытындағы би қойылымдарын дайындап, мемлекеттік мерекелерге, мәдени-көпшілік іс-шараларға бұрын мүлде бимен айналыспаған жастарды қатыстырып, кәсіби деңгейде өнер көрсетуге мүмкіндік туғызды.

Вокал студиясының жетекшісі А.Қанарбек музыкалық қабілетімен ерекшеленген 36 студенттердің ән айтуға қызығушылығын, өздерінің дауыс мүмкіндіктеріне деген сенімін арттырып, сахна мәдениетіне тәрбиелеп, барлық университеттің іс-шараларында жастарды өнер көрсетуге дайындап жүрген мамандар. Студияда жекеше ән айтатын өнерпаздармен қатар «Наз қоңыр» триосы, «**Қорқыт**» квартеті, «**Лаула**», «**BoysBEND**», «**Ғарыш**» студенттер тобы өнер көрсетеді. Орындалып жүрген әндердің жалпы саны – 47 жуық.

Орталықта қыздардың эстетикалық талғамын дамытып, этикалық ұғымдарды қалыптастырып, инабаттылыққа, әсемдікке тәрбиелейтін бойжеткен қатысатын, «Сымбат» сән студиясына А.Түймебай жетекшілік етеді. Сән студиясына қатысатын қыздарға университет қорындағы жоғары шеберлікпен, сапалы дайындалған сахналық үлгідегі киімдер - бүкіл республикаға өзгешелігі, әдемілігімен танылып, сұранысқа ие болған костюмдер сахна төрінде көрермендердің әрдайым қызығушылығын тудырады. Студент қыздар осындай костюмдермен облыс, қала көлеміндегі, университетте өтетін көптеген іс-шараларға қатысып, сонымен қатар іс сапармен келген жоғары шенді қонақтарды қарсы алады.

Мұхаммед Хайдар Дулати атындағы Тараз университеті – еліміздің оңтүстігіндегі ең ірі білім, мәдениет және ғылым орталығы болғандықтан университетте көптеген іс-шаралар өткізілуіне байланысты жүргізушілерге мұқтаждық туындап Жүргізушілер мектебі ашылды. Аталған студия орталық

басшысы А.Бүрлібаевның жетекшілігімен жұмыс атқаруда. Жүргізушілер мектебіне 15 студент ерікті түрде тіркелді.

Жүргізушілердің көпшілік алдында әдеби, көркем сөйлеп, мәнерлеп оқып, ойын еркін жеткізуге үйрететін, жүргізушілердің сахналық мәдениетіне орталық маманы С.Искараева жауапты.

Студенттердің шығармашылығын дамыту орталығының студияларына қатысатын 515 өнерлі жастардың ең епті, белсенді, дарындылары университеттің мәдени-көпшілік іс-шараларында тұрақты, қызығушылықпен өнер көрсетеді.

2025-2026 оқу жылының бірінші жарты жылдығында Студенттердің шығармашылығын дамыту орталығы бекітілген жұмыс жоспарына сәйкес жүйелі түрде жұмыс жүргізді. Есептік кезеңде орталықтың негізгі мақсаты – бірінші курс студенттерін шығармашылық ортаға бейімдеу, олардың қабілеттерін анықтау, студиялардың жұмысын жандандыру және студенттердің бос уақытын тиімді ұйымдастыру болды.

Барлық факультеттер бойынша студенттерді шығармашылық студияларға тарту мақсатында ақпараттық-түсіндіру жұмыстары жүргізілді. Әлеуметтік желілер, хабарландырулар және таныстыру кездесулері арқылы студенттер орталық қызметімен таныстырылды. Нәтижесінде вокал, би, аспаптық орындау және басқа да бағыттар бойынша жаңа топтар құрылды. Атап айтсақ:

08-19.09.2025 жылы - Студенттердің шығармашылығын дамыту орталығының шығармашылық студияларына бірінші курс студенттерін тарту үшін үгіт-насихат жұмыстары онлайн форматында ұйымдастырылды; Студенттердің шығармашылығын дамыту орталығы факультеттердің бірінші курс жастарын студенттер қатарына қосу және студенттік билет табыстау үшін ұйымдастырылған іс-шараларына, қалалық, облыстық, республикалық деңгейдегі мәдени-көпшілік, спорттық іс-шараларға да белсене қатысып, өнер көрсетті.

15.09.2025 жылы - Білім күніне арналған салтанатты кеш ұйымдастырылды. Кеш қалалық Білім алаңында 500 студенттің қатысуымен жоғары деңгейде өтті. Жаңа оқу жылының басталуына орай **«ЖАҢА ҚАДАМ, ЖАҢА БАСТАУ!»** атты салтанатты кеш ұйымдастырылады. Іс-шараның басты мақсаты – бірінші курс студенттерін ресми түрде студент қатарына қабылдау, олардың жаңа өмір кезеңіне қадам басуын атап өту және оқу ордасына деген мақтаныш сезімін қалыптастыру.

Мерекелік кеш барысында бірінші курс студенттерінің ант қабылдау рәсімі, студенттік билеттерді табыстау және құттықтау сөздер мен концерттік нөмірлер ұсынылады. Сондай-ақ, жоғары курс студенттері мен ұстаздар тарапынан жылы лебіздер айтылып, білім мен ізденіске бастайтын рухани қолдау көрсетіледі.

Бұл салтанатты жиын – жастардың өміріндегі маңызды белес, жаңа мүмкіндіктер мен жетістіктерге жол ашатын мәнді мереке болып табылады.

22.10.2025 жылы - 25 қазан күні Республика күніне орай «**ЕЛІМ ДЕП СОҚСЫН ЖҮРЕГІҢ!**» атты салтанатты жиын. Бұл іс-шара – еліміздің ең ұлық мерекесіне арналған маңызды мәдени-рухани басқосу болып табылады.

Іс-шараның мақсаты – Қазақстан Республикасының тәуелсіздігі мен мемлекеттік құндылықтарын дәріптеу, отансүйгіштік сезімді арттыру және университет ұжымы мен студенттері арасында рухани бірлікті нығайту, қатысушылардың мерекелік көңіл-күйін көтеру және отансүйгіштік рухты қалыптастыруға бағытталады.

Салтанатты жиынға университеттің профессор-оқытушылар құрамы, қызметкерлері және өнерлі, дарынды студенттер қатысады. Бағдарлама аясында үздік қызметкерлерді марапаттап, концерттік нөмірлер, патриоттық әндер мен көркем сөздер орындалып, Республикалық мерекенің маңыздылығы айшықталады.

Ұлттық құндылықтарды ұлықтайтын салтанатты жиында алдымен жастар патриоттық әуендерді шырқады. Талай елдің төрінде Әнұранымыз айтылып, көк Туымыз желбіреген Қазақстанды төрткүл дүние таниды десек артық айтқанымыз емес. Отанға деген сүйіспеншілік, ұлттық патриотизм, туған жерге деген қастерлі құрмет – әрбір адамның рухани болмысын бағамдайтын ұлағатты ұғым. Қастерлі құндылықтарымыздың халықаралық ареналарда әрдайым абыройы асқақтап, халқымыздың тыныштығы мен татулығы, берекесі мен бірлігі бекем болуы – салтанатты жиынның басты мақсаты еді. Салтанатты шара соңы университет өнерпаздарының жігер сыйлайтын, отансүйгіштік сарындағы ән-жырларымен жалғасты.

25.11.2024 жылы – Орталықтың ұйымдастыруымен Студенттер қатарына қабылдауға арналған «17-қараша-Халықаралық студенттер» күніне орай «**Student's DAY – Жастар FEST 2025!**» университет студенттеріне арналған мерекелік кеш ұйымдастырылды. Кеш 1 курс студенттеріне арналғандықтан еркін форматта өтті. Кешке барлығы 500-ге жуық студент қатысты. Бағдарлама барысында құттықтау сөздер, концерттік нөмірлер мен арнайы сыйлық табыстау рәсімі ұйымдастырылады

6-15.10.2025 жылы – университеттің өнерлі, дарынды жастарды анықтап, шығармашылық қабілеттерін дамыту, қолдау көрсету мақсатында барлық факультеттердің бірінші курс студенттерінің арасында факультетаралық «Жас талант-2025» шығармашылық байқауы өткізілді. Студент жастар бағын сынап хореография, вокал, күй, ән-терме, бейнелеу өнері номинациялары бойынша өнерлерін көрсетіп, бақ сынасты. Байқауға 5 факультеттен 120 студент жастар қатысты.


Байқау келесі номинациялар бойынша өткізіледі:

- вокал (соло, дуэт, трио және т.б.), (жанды дауыста ғана орындау);
- хореография (ұлттық би, заманауи би);
- әртүрлі музыкалық аспапта орындау(домыра, қобыз, гитара);
- соны (оригиналды) жанр (цирк, акробатика және т.б.)

24.12.2025 жылы - «Қош келдің – 2026 жыл» атты студенттік балл кеші өтті. Концертті «Blesting» заманауи би тобының «Ақшақар» биімен ашылды. Жылдың ең үздіктерін анықтайтын кеште университетіміздің ең үздік, белсенді, қоғамдық-әлеуметтік, мәдени іс-шараларына етене араласып жүрген студенттер «Ең ҮЗДІК» номинацияларымен марапатталды. Кеш соңы жастарға арналған би кешіне ұласты.

Студенттердің шығармашылығын дамыту орталығында кәсіби, білікті мамандардың жұмыс атқаруының нәтижесінде 2025 жылы –оқу жылы жоспарына сәйкес қорытындыланды.

Студенттердің шығармашылығын
дамыту орталығының басшысы


/қолы/

Бүрлібаева. А.З.